

Opuscula

Opuscula

I

C

A

C

I

A
S

I

A

DOLORES
PUBLICI, (10)

Comites Fatorum;

CELSISSIMI PRINCIPIS,
ILLUSTRISSIMI & EXCELLENTISSIMI

D. JOSEPHI

DUCIS in KLEWAN, KORZEC, & OLEXIENIEC

CZARTORYSKI,

Magni Ducatus Lithvaniae
VEXILLIFERI

dum. Ei

Iusta Parentalia

in Archipresbyterali B. V. MARIAE Ecclesia,
Cracoviae in Circulo sita, exsolverentur;

nomine obligatae Celsissimae Domui Universitatis Cracoviensis,

per

M. ALBERTUM, JOANNEM CANTIUM
BIEGACZEWIC,

Philosophiae Doctorem, Ejusdemq; Regium ac Tylicianum Elo-
quentiae Professore, Collegam Majorem, Ecclesiae Colle-
giatae S. ANNAE Cancellarium,

lugubri calamô,

ad perennem tanti PRINCIPIS memoriam,

pallentem in paginam

EFFUSI.

Annô Domini 1750. Die 23. Novembris.

CRACOVIAE TYPIS UNIVERSITATIS.

In Avitum decus
Domus
Celsissimæ.



Quo POGONIA ruis? districto quem ense requiris?
Fata meum quaero, quæ rapuere DUCEM,
Fata requirendi superest cum nulla potestas,
PUBLICUS hæc repetat, publica damna DOLOR.

CELSISSIMO PRINCIPI,
ILLUSTRISSIMO
&
EXCELLENTISSIMO DOMINO,
D. STANISLAO
KOSTKA,
DUCI in KLEWAN, KORZEC & OLEXIENIEC
CZARTORYSKI,
Magni Ducatus Lithvaniæ
VENATORI,
Filio super fati Patris sui mæstissimo.

Publicorum dolorum compendium, quos recentia Magni Principis Patris Tui dilectissimi, ex omnium cordibus, ceu torculari quodam expresserunt fata, non minus aliis mæsta Mater Universitas, Tibi defert Princeps Celsissime, Venator Illustrissime. Illi equidem cum alios summe, Te attigerunt maxime; ad Te maxime spectant. Gravis est omnibus optimi jactura Principis, Tibi dilectissimi Parentis gravissima. Fueras Tu PRINCEPS, cordi viventis Genitoris, oculus, pupilla, & unicum solatium, fuit adinvicem Tibi Filio, summo superstes solatio Parens, malignantibus fati è vivis subductus, cordis moerori, & oculorum dolori debet esse ingenti. Tibi quidem Principi, cum mors Patris amantissimi acerbissima sit, publicam ex ea emergentem jacturam, nec publicus satis unquam defleret oculus, nec publici satis pensarent dolores, nisi magnum, quem deploramus amissum, in Te ipso restitueres nobis Parentem. Videmus Eum in Te ac si So-

lem in radio, aut in lucidissima crystallo solis radium. Spirat in vultu
Tuo, spirat in generosissimo pectore Dux magnanimus. Vivit in Te,
parte sui meliore, animò nempe illo excelsò, sublimi, heroicarum cogi-
tationum vastissimò receptaculò, operum immortalitate dignorum au-
thore & artifice clarissimo, quem qualem à magnis Ducibus accepit,
talem in Te transfudit. Venisti PRINCEPS desideratissimo Pa-
renti ille Filius, in quo viveret etiam post fata superstes, nec morere-
tur totus, donec in Te viveret; si evenire posset, quomodo optamus, ò
utinam eternum. Successisti Magno Parenti, ac si Trajano Nerva,
Augusto Julius, idest optimo PRINCIPI, optimus PRINCEPS
Filius. Diceris & es unicus Ducis Celsissimi Heres, non solum au-
tem Nominis & fortune, ast quoq; gloriæ, meritorum, & excellen-
tissimarum virtutum. Fulges his omnibùs, quibùs Pater Celsissimus
fulsit, omnes in Te eo culminant fastigiò, quò culminârunt gloriosissi-
mo in Patre, scilicet omnes in Te tantæ videntur, quantæ maximos
PRINCIPES & decent & ornant. Videmus in Te summam
rerum gerendarum dexteritatem, animi prudentiam omnibus pu-
blicis negotiis parem, patriarum legum notitiam, æquitatem men-
tis, conscientie teneritudinem, vitæ & morum probitatem, piete-
tem in DEUM, in Tempia, pauperes, & egenos munificentiam,
magnanimitatem cordis, affabilitatem oris, amorem in Patriam,
studia in Rempublicam, officia in in pares, humanitatem in minimos,
benevolentiam in singulos; & cum hæc videmus; quem ploramus mor-
tuum, gaudemus in Te superesse Celsissimum Ducem, desideratissimum
æquè ac gloriosissimum Patrem. Reddimus ergo Tibi publicos Polo-
niæ, Lithvaniæ, Ecclesiæ, Domusq; Celsissimæ, ex obitu magni Pa-
rentis conceptos; & lugubrem effusos in paginam dolores. Solatiis
verò publicis cum solus cum prole tua Celsissima sis, qui defunctum
restituas Patrem; Te PRINCIPEM, Consortem Celsissimam,
JOSEPHUM, FRANCISCUM & CONSTANTIAM
Ducalis nobilissima pignora Domus, ut boni Superi longævum
incolumes servant; Cantianas precabimur ad Aras.

Ita vovet.

Celsitudinis Vestræ

infimus Client A. O.



DOLORES PUBLICI.

Fatorum PRINCIPIS VEXILLIFERI Comites.

Mortis classica, non Martis insonant.
Castra metare dolor!

Næniæ omnes & Præficæ, confertis sistite phalangibus!

Procul festive Pœan, celeusmata procul.

Lugubre hic Admeti melos,

vel flebilis Harmodii cantilena canenda.

Appage cum fesceninis tuis,

Comice omnis & genialis Satyra.

Non genio ulli, sed soli mærori theatrum panditur.

*Quæcunq; lugentium in Trophonii antris tenebaris cohors,
publici ad castra doloris te voco.*

Tali scenæ, talis convenit choragus.

Nulli hîc profectò locus;

nisi cujus solæ lachrymæ,

pondera vocis habent.

Quinimo

nec ipsæ lachrymæ vocales,

nec ipse dolor loquax hîc esto.

Aliàs

Parvæ curæ loquuntur, ingentes stupent;

Doloris qui mensuram excesserit, maxima confessio,

stupor & silentium.

A

Contra

Contra malignitatem factorum;
si intra privata dispendia substiterit,
facile dant nobis ingenium lachrymæ.

*Minuimus dolorem, quem cum lachrymis egerimus,
Eluimus acerbicatem cordium, dum lugemus.*

At verò

publico damno & dispendio,
nec lachrymæ singulorum sufficiunt, nec singulus.

Funera privatorum, paucorum absolvuntur luctu;

Magnorum Virorum pheretra,

doloris publici vastissima sunt theatra.

Evelle humiles myricas furens Æole,

nisi eminentem Cedrum à radice moveris,

necdum diras in te omnes Libanus evomet.

Ruite minores columnæ,

adhuc integræ moles & immotæ machinæ stabunt.

Collabente Solis Rhodio Colosso,

non solum Rhodus, etiam Asia intremuit.

Maurus Atlas,

si sub immensa concideret mole,

an non Lybia, totis terræ marisque deficeret fibris?

an non tota cum Achille Græcia?

an non Ilium cum Hectore deficeret?

Admodum

Ingentes animæ, non suâ tantum ruinâ cadunt.

Fata vulgi communia,

naturæ debito & communi necessitudini imputamus:

Ubi verò

excordes Paræ, sine delectu, sine mente,

æquè in palatia sæviunt ac mapalia,

sceptra ligonibus, paludamenta centonibus æquant,

Ægonesq; cum Cæsare miscent;

lachrymas quærimus in lachrymis,

nec inter profusissimos cordium luctus,

sufficientem publicæ jacturæ invenimus dolorem.

Sic

Sic omnino

Pallentibus purpuris, Orbis faciem pallor invadit.

Principum inferiæ, gentium solatia feriunt.

*Magnorum Virorum cineres, Regnorum
vultum & splendorem funestant.*

Nec aliter

Hominum gemmæ intereunt, quàm gemmæ maris nascuntur;

Scilicet inter solos cordium fragores,
& dolentium animorum tonitrua.

Triste mortis convolutus in Syrma,

Ducalis CZARTORYSCIÆ Purpuræ splendor;

huc Orbis Poloni pallores!

Fatali cesso

Sepulchralem ad lapidem,

CELSISSIMUS offendit POGONIA;

huc lachrymæ! huc citi gemitus!

Gemma Ducum in KLEWAN & KORZEC,

morti in spolium cessit;

huc cordium æstus, huc animorum procellæ!

Ex Orbis facie,

ferales inter umbras subductus,

PRINCEPS JOSEPHUS CZARTORYSCIUS,

huc tanti sequaces PRINCIPIS,

densissimæ mærentium catervæ!

Qui in Martis nunquam, cecidit in mortis acie,

Magni Ducatus Lithvaniæ VEXILLIFER,

publici assurgite dolores,

& individuos Vexilliferi comites agite.

Omnium lugendus lachrymis, qui omnium commodo,

omnium amoribus vixit.

DOLOR

D O L O R P O L O N I Æ. Calami blandimentis nemo succenseat.

Si Te ô Polonia,

vel Latonam, vel Deorum Parentem
Berecynthiam dixerò.

Enimverò

Quotquot illustria Magnorum Virorum,
dedisti in lucem Nomina,
tot vel Palladis vel Numina Martis.

Frigida sub Arcto,

nunquam frigidus partus, nunquam passa exsangves.

Bellaci ferrò opulentior, quàm aurò,
aureo semper ab ævo, generosissima suscipiebas pignora,
quæ Martii usibus ferri,

auream Tibi evincebant & fortunam & ætatem.

Antiquo Romanorum Latio,

& Roma veteri nihilò posterior.

Orbis quidem licet non Domina,
non tamen alicujus in Orbe vel ancilla vel serva.

Præ gentium spoliis,

injectisq; gementi terrarum Orbi ferreis compedibus,

avita generosissimæ stirpis libertate,

& nobilior longè, & commendatior.

Arces Tarpejas & Capitolia non ostentans,

Marcellis & Scipionibus, Fabiis & Catonibus Tuis,
qui tam armorum trophæis, quàm consiliorum triumphis,
omne implerent Capitolium, nunquam caruisti.

Eheu!

Inclyta sagò togâq; Mater,

acerbas temporum vices, luge acerbius.

Tantumne fatorum furori, in Te licuit?

ut non uno vix ictu, tot tibi eriperent corcula,

quot Decios eripuerunt vel Nasicas.

Procul procul geniales Latonæ vultus!

Ad mortale Principis CZARTORYSCII marmor,

iterum novam age Nioben Lechia.

Uno

Uno Ille Tui amore.
amores complexus omnes,
Dolore Tu illius uno,

ecce non omnes complectaris dolores?
Spongiam oculis luctuosæ Matris porrigerem,
nisi & tota lachrymarum diluvia non sufficerent,
ubi cordis spiracula deficiunt,
vel oculorum excidunt pupillæ.

Fatis prorsus malignantibûs,
excidit è corona Sarmaticæ Aquilæ gemma,
è visceribus Patriæ, amor & cordis medulla,
è numero optimorum Poloniæ Civium,
Civium amissis, norma, & compendium,
Civis aliàs non bonis duntaxat, ast & optimis melior.

Excidit è fronte Reipublicæ,
frons ipse Primorum, frontis oculus,
oculi jubar & pupilla,

PRINCEPS JOSEPHUS CZARTORYSCIUS.

Ducis titulò ornavit Poloniam, factis gentis gloriam.

A genere & origine, Princeps dici non contentus,
meritis, zelò, & in Patriam obsequiò,
inter primos Princeps, inter Principes fuit primus.

Dorem Principum unicam, suam voluit esse singularem;

Non sibi se natum, sed toti credere Orbi.

Vitam ergo suam, ut sibi minimè duceret,
commodo totam publico, & impendit & duxit.

Splendore natalium illo,
quò ipsas Solis æquasset cunas, in lucem editus,
lucem animi & sapientiæ jubar,

in Academicis Regiæ Palladis quæsitit umbris,

collegitq; tantum,

quod in maxima Orbis facie, avitos Purpuræ ornaret fulgores.

Regiæ post Castra Palladis,

Regni Bellonam secutus,

quàm utriq; fidelis,

tam utrâq; gloriosus, utrâq; Cæsar semper & victor,

utrâq; uni vellificavit Patriæ.

Amorem hujus,
quemadmodum primo cum lacte haussit,
sic ad busta usq; & cineres retinuit.
Ipso quoq; Ducalis Lucinæ ab uberé,
robur genorosisimi pectoris lacænum,
& ingentem illum spiritum traxit,
quem dexterrimi Duces, pluries profuderunt pro Patria.

Mavors Sarmaticæ!
refera hic ferratos Capitolii postes.
Sistant Principis ad tumulum,
quorum sanguine vixit, quosq; spiravit totus;
Bellatorum prodigia, triumphales animæ,
laureati Ducum CZARTORYSCIORUM manes.
Triste mortis spectaculum,
quæsitæ in ipsis mortis faucibus,
immortalia summorum Herodum serenant trophæa.

Ævô illô,
quô continua Poloniæ, Schyticis à Molossis incumbibat rabias,
donô à superis speciali datus,
THEODORUS *Dux in Kiewan* CZARTORYSKI,
Luceorienfis Capitaneus,
Volhyniæ & Podoliæ, *

contra ingruentes per momenta Tartaros,
Scutum ille Ajacis, septuplex clypeus & aeneus murus,
Unum illi pectus natura dederat,
opposuisset mille pro Polonia.

Et uno tamen tantas barbarorum detinebat acies,
quantas Geron non sustinuisset triplici.

Audi prodigia posteritas!
ALEXANDER *Dux in Kiewan* CZARTORYSKI,
Palatinus Volhyniæ,

Orbem non subegit ut Macedo, plusquam Macedo fecit,
dum Polonum asseruit.

Intulit ille spolia gentibus,
spolia hic gentis suæ ingentia repetiit.
Effusos in Poloniam sæva à Propontide Charontes,
cum CONSTANTINO DUCE *de Ostrog;*
Ad

ad ipsa ferè Propontidis insecutus ostia;

Temporum fidem!

viginti quatuor Scytharum millia, uno conflictu fudit,
captivorum octuaginta vindicavit. *

Affurgite Heroi huic,

Romani Sicinii, affurgite Teagenes.

Tota pridem immortalitate coronatum,
coronâ, & laureis vestris,

si tantò in Poloniam meritò sufficiunt, coronate.

Orbis Victori, qui Patris continuaret gloriam, superfuit nemo.

Immortalia Poloni ALEXANDRI gesta,

non minor Patre continuavit Filius.

MICHAEL DUX CZARTORYSCIUS.

E Ducibus oriundus, Nomen Ducis Exercituum detulit,
gessit partes, & officia implevit.

Polonum sub Kijovia Exercitum, regimini suo

à SIGISMUNDO AUGUSTO commissum,

rexit ita, ut ipsi desiderarent Reges,

non ut melius regere possent.

Bella Domini sui, cum inibi plura peragèret,

formidabilis ille Poloniæ Draco, *

expertus est CZARTORYSCIUM, & Ducem & fortem,
ingemuitq; se, non semel à MICHAELE profligatum.

Moschua

Carthago illa Romæ nostræ, quò vicinior, eò infensior,
malleum in MICHAELE suum, in JOANNE,

omnium STEPHANI BATOREI Regis,

expeditionum comite, victoriarum compare maxima,

renatum contra se Scipionem sensit;

non minùsq; coram JOANNIS Agno tremuit,

quàm suus coram MICHAELE tremuerat Draco.

NICOLAUS Princeps, VOLHYNIAE Palatinus,

contra Turcas, Valachos & Svecos,

gloriosissimus in Livonia & Moldavia Bellator,*

Martem domi armabat aurò, hostes foris vincebat ferrò.

Blandire tibi, de tuis Roma Metellis, & Scipionibz.

Tot Scipiones, Metellos, servatoresq; Camillos,

Bz

nostra

nostra habuit & habet Polonia;
quotquot Duces CZARTORYSCIOS.
Tantium Bellatorum & Poloniæ Defensorum,
Abnepos, Pronepos & Nepos,
Celsissimus cui parentamus PRINCEPS,
genuinas eorum imagines, non coloribus in se depinxit,
sed factis expressit.

*Virtutum quibus claruerunt, gestorum quibus Orbem implerunt,
amoris quô in Patriam certarunt, meritorum quibus Poloniam
ornarunt, omnia unus compendia detulit.*

Armorum eos trophæis, ideo solum non æquavit;
quod Poloniam suo ævo Bellonam, plus oleæ, quàm laureæ oblectarent.

Quamquam verò
defuerat sua heroicæ virtuti occasio,
ardentissima tamen, nec vota defuerunt, nec affectus.

Lechicis pro Pergamis,
ivisset suos millenas in acies Hector, si Græciam, si æmulum
objecisses Achillem.

Marte ergo cum minùs licuit,
triumphali Pallade, Poloniæ obsequabatur fortunæ.

Tripes ipse consiliorum aureus,
tot præsidis firmavit Rempublicam, quot prudentissimis cōsiliis.
Patris demùm per omnia æmulus, vixisse voluit.
Æquavit Patrem virtutibus, contemptu honorum superavit.
Ille Palatinam Cracoviensem sprexit Curulem,

Hic omnes;
Uterq; inde omnibus altior Curulibus.
Magnum enim delata potestas, majorem contempta probat.

Senatorias citra Trabeas,
quas meruisse maluit, quàm habere
trabeatus Poloniæ & Civis & Confusus,
Regno animam, Civibus salutem dedit,
cum Jus gentis Varsaviensibus subscripsit in Comitibus.

Enim verò
*Lex boni ordinis; ordo Rerumpublicarum anima.
Suprema populi salus, legum fundamentis innititur.*

DO.

D O L O R
Magni Ducatûs Lithuanix.

Lugentibus Polonis Aquilis,
accurre Lithave Sonipes!

*Armigeris Jovis alitibus, non excutiunt lachrymas
Solis cunabula, excusserunt Principis busta.*

Martium Poloniæ genium, quem nulla vis armorum fregit,
fregit tandem vis immensa doloris.

lætibus his,

exhibe Tu quoq; patentes cataphracti pectoris rimas,
Mitrate Ducalis Eques.

Mavors Tibi cum Polonia communis,
sint quoq; Castra doloris communia.

Dolendi cerre occasio, quemadmodum utrinq; gravis, sic ea dẽ utrinq;
cũ CELSISSIMUM qui lugendus venit PRINCIPEM,
non minũs tu suum desideres, quàm regnatrux Aquila suum.

O Gentes Inclytæ!

Dividere inter vos dolorem vellem, ut minor esset divisus;
nisi solæ jungere velletis, ut auctor sit unitus.

Pallens ergò pagina,

quæ Poloniæ excepit lachrymas, excipiet ô Lithvania & tuas.
Solum illa Principi natale dedit, Tu originem & Solia.

Et licet non tenuisti PRINCEPEM in cunis,
eas tamen potiori vindicas jure,

ex quo

prima à Te incunabula & primos sumpferunt ortus,

PRINCIPES CZARTORYSCII.

Ducalis hæc Propago,

Lithvanum ita semper respicit Ducatum,
ut ingentia, toto diffusa Orbe flumina suas scatebras, vel dispersi
quoq; versùs radii, suum & lucis omnigenæ fontem.

Qualis demum inter Solem & radios, Aërythrum & gemmas,
talis Magnum inter Ducatum,

California - &

&
PRINCIPES CZARTORYSCIOS;

decoris, pretii, æstimationisq; intercedit reciprocatio.
Natales quos Principibus Lithvania dedit,
impensa pro solo natali vita rependerunt.

Pro Fascibus, Purpuris, Mytrisq; Ducalibus,
purpurarû decora, togæ & sagi ornamenta, gentis reddiderunt præsidia,
Lithvana toties & gloriæ & fortune, vel Auctores vel Vindices.

Cassium & Brutum,
clarissimos Romanorum Assertores, se uno certius superavit,
JOANNES DUX CZARTORYSKI;

Qui
Sigismundum Lithvanorum Ducem, quod tyrannica Caligulæ vota,
Lithvano implet in solidò, & folio exuit & vitâ.*

Poterat profectò his Patruï artibûs,
parari firmariq; propter JOANNEM Imperium,
nisi Civium & Patriæ amorem, omni carius æstimasset Imperiò.
Quid alios memorem? Ducibus è CZARTORYSCIIS,
vitæ & fortunarum impendio, togâ & sagò de Lithvania meritissimos.

Tristium hic libellus est, non Fastorum.
Brevis eos non capit pagina, totos qui implerunt annales.
Sæculis expectatum, quia sæculorum omninò negotium,
Lithvaniæ cum Polonia unio,
Summa JOANNIS & ALEXANDRI,
DUCUM CZARTORYSCIORUM, *
Varsaviensibus Regni in Comitibus dexteritate cæpta,
non minori deinceps continuata studio,
sub SIGISMUNDO AUGUSTO, opus sanè augustissimum,
maxima utriusq; gentis & prosperitate & lætitia,
in Lublinensi Ordinum Congressu consumata,
Ducis utriusq; manu subscripta,
pares Regnorum Conditoribus CZARTORYSCIOS fecit;
cum in idem redeat:

Regna sive condas, sive unias,
Ita pcene,
Divi CZARTORYSCIORUM Aborigines,
tantum pro integritate, incrementis & fortuna Lithvaniæ laborârunt,

ut

ut nisi,
*præclara Majorum de Republica merita, succedaneam
quoq; cum censu gloriæ in posteritatem defluerent, posteris
nullum prorsus, meritorum reliquisse campum viderentur.*

Invenit tamen,
industrius PRINCIPIS in Patriam amor,
quomodo se in Patriam operosum exhiberet, non otiosum.
Non minor suis Majoribus PRINCEPS;
*dum Majores suos æquare contenderet, fecit maximos;
ea gloriæ accessione, quam generosissimus continuando Abnepos,
reddidit auctiorem.*

Divorū nempe Aboriginum, subsecutus ætatem, secutus vestigia,
triumphalia illorum sæcula, intra sui limites ævi,
vel retrōégit, vel absovit.

Admiranda quadam metempsychosí,
Herodum Lithvaniæ Duces, & Ducum Herodés, in se restituit.
*In quibus vixerat, antequam vivere incepisset,
eorum expressione omnigena, fecit ut viverent, postquam vivere desierunt.*

Iterum ergo
vidit in Eo immortales Lithvania,
quos mortales visui subtraxerunt umbræ,
*Principes Celsissimos, Duces dexterimos,
Herodés fortissimos, Viadores & Assertores suos accerrimos.*

In clarissimam illam gentem,
Cujus Solia & Thronos Divis in Majoribus possederat,
digna Soliis & Thronis, Ducalis ornamenta animi refudit.
Fontem Nominis Celsissimi primum,
primis coronavit amoribus.

Patrium Lithvaniæ nidum,
& ornavit & defendit, ut Regina defendit Aquila suum.
Pluribus in Regno titulis, se invadentibus;
cum omnes dimitteret, Lithvanum non dimisit.

Magni Ducatus VEXILLIFER,
signa sua nunquam infesta, semper victricia detulit.
Maximis profectò Bellatorum Ducibus, prævisse dignus,
sub Quo Vexillifero,

rota Lithvæ gentis & gloria militavit & fortuna.

DOLOR ECCLESIAE.

Basilica Deorum Templa,
Sacerdumq; immortalis Numinis Penates,
fufcipite vos quoq;
CELISSIMI de obitu PRINCIPIS,
publicorum partem aliquam dolorum.
Illa Tibi profecto, quæ & amantibus proles suas Matribus,
imò majori longè pleniora amore viscera,
Matrum omnium dilectior, Ecclesia Mater.
Quidni quoq; & fensus doloris cum dolentibus fit idem?
Fœcunda culpæ sæcula,
*quòd obftetricantibus Erebi furis, profuderint quandoq;
moruacia viperarum germina, fœtusq; Camelorum Matri fua lugendos,*
dolor hic,
eoufq; trementia Chriftiani Orbis excruciat viscera.

Fatis demum novercantibûs,
*Si genuina pignora, cariffimæ proles, filii vitam pro Matre
fundere parati, è finu fuo eripiantur & oculis, profundus tunc
materna in viscera fœvit pugio, imminetq; cordi preffura non levis.*

Ita poenè
feralia PRINCIPIS CZARTORYSCII ad bufta,
magnorum Chriftiani Orbis dolorum, vafte molis theatrum,
parentis Ecclefie scena agitur maxima.

Una enim in urna,
claufus fons ille & aureus & multiplex.

Qui nempè
*in Templorum basilicas moles,
in magnificas sacrarum Aedium structuras,
liberaliffimo profuebat amne;*

Luge Ecclesia!

Qui
*Sacrariis pretiofas fupplectiles,
Altaribus fplendidos decores,
Sumptuofa aris affundebat ornamenta;* Lu-

Lugete Altaria & Aræ!

Qui

Religiosis Familiis subsidia,

Cœtibus sacris beneficia,

pupillis, viduis, pauperibus,

opes, eleemosynas, dotes,

apertò profundeabat ærariò,

lugete Religiosi Cœtus! lugete Sacræ Familiæ!

lugete pauperum Orphanotrophia!

Mortalibus cineribus

insepultus ille Orthodoxæ Religionis Phœnix;

Cui

in fidei zelo, in legis Divinæ observantia,

in pietatis exemplis, in Cleri veneratione,

rara similem, vix aliqua parem sæcula dabunt;

Luge Religio!

Celsissimus hic Ducum in Kleman Nepos,

Filius Orthodoxæ Ecclesiæ amantissimus.

Sangvinem quem à Principe derivavit Lucina,

fudisset semper pro Ecclesia.

Dexterrimus pro focus, pro Aris acerrimus.

Quondam

ex sanctissimo Principis Miccyslai instituto,

quoties Sacer Evangelii volveretur Codex,

evibratos Poloni stringebant gladios,

PRINCEPS CELSISSIMUS;

Heròem suum Gentilitium,

nunquam non evaginatò gladiò esse voluit;

solus pro Evangelica Doctrina in millenos iturus;

& contra Evangelii hostes, vibraturus millenos.

Plus Religionis amans, quàm vitæ,

vitam libentissimè dedisset, si poposcisset Religio.

Avita in libertate natus,

cùm faciliùs mortem, quàm ullum libertatis subiisset

dispendium;

una tamen, integrâ vitâ; voluit servitute teneri;

D

quâ

quâ in fidei obsequium, captivabat intellectum.

Nec etiam liberum se vivere putasset;
nisi sic mancipatus vixisset.

Pulcherrima anthites, scientiam miscuit inscitiae.
Cum omnia sciret, quæ orthodoxa docuit fides,
nil scire voluit, quod illa non doceret.

Sapientissimi alias & animi & ingenii,
unum sapientiae genus à se exclusit;
privato ex sensu sapere.

Romanam Ecclesiam,

pro fidei petra amplexus; ceu cavatis in petra vestigiis,
sterit in Orthodoxa fide,

immotus unquam, infractus & inconcussus.

Locum religioni cum apud se dedisset primum,
nullum in eo habuit, composita ad faciem religio.

Summa in omnes affabilitate PRINCEPS,

summò eos odiò & indignatione habuit,
qui cavernosas mentes, larvâ religionis obtegunt,
ut errorem aliis fidentiùs imponant.

Dubites feliciorne Ulysse, vel prudentior?

Ejusmodi Syrenes,

quæ blanda auribus insonant, ut animos incantent,
animas interficiant, sine cera vitavit, dum ad aures non admisit.

Neminem pænè à consortio arcens,
arcuit eos etiam à colloquio;

qui in vestimentis ovium veniunt, intus lupi rapaces;
quorum phræneticæ pietatis cum iste sit furor,
quòd etiam in religione varietas delectet;

ceu diversum commissa genus panthera camello,

Paulum Cephæ, Cephæ Apollini miscent;
totq; schismatum scabies præposterè credulis mentibus afflant,
quot variegatos maculosæ cutis colores,
capiendis voluptate sua accommodant oculis.

Chamæleones hi, cum omnem ad se facillimè colorem trahant,

nec rubrum PRINCIPIS Purpuræ,

nec album candidissimæ mentis traxerunt unquam;

auras

auras quoq; aularum vel maximè captantibus,
& aula hìc, & aura minimè libera fuit.

Scitote sæcula!

Ducalem CZARTORYSCIORUM Domum,

simul Orthodoxæ fidei lumen, ac solis lucem vidisse.

Primis vagiens in cunis, jam suos religioni Hercules dedit.

KORYGELLO Author illius imus, pro fide victima primus. *

Ne cederet de Patris zelo Filius,

CHLEBOWICZ Dux CZARTORYSKI,

codem contra Crucigeros ad Vilnam prælio,

cum Patre cecidit. *

Uni proinde fidei

quam duo in Domo CZARTORYSCIA Duces,

plantârunt sanguine suo,

quam demum cum lacte KONOPACCIÆ Materno hausit,

unam debere mentem voluit PRINCEPS;

uni totam reituit, quousq; & vitam,

nunquam ab una se junctus, nunquam divisus in plures.

Posturam in religione exosus, omnem,

simulationem quoq; famosum politici sæculi idolum,

in vitæ politia admisit nullam.

Illibata in DEUM fide, in homines candidissima;

seu DEO cultum, seu hominibus officia præstaret,

pari utrumq; teneritudine exhibuit.

Fingere, blandiri, adulari,

nec alios libens audivit.

Scapham pro scapha, hntrem æstimavit pro hntre.

Æquissimus libertatis suæ æstimator,

pro illius genio, semper licitum putavit,

sentire quæ vellet & dicere quæ sentiret;

nunquam conveniens censuit,

aliud sentire & dicere aliud.

Hoc vel maximè veritus.

ne quando secum non idem, vel à se esset diversus,

lingvam à corde nunquam divisit.

Rigidissima in eam adversione egit,

ut quàm fidissimum mentis suæ ageret interpretem.

D2

Can-

Candorem animi, & conscientiae rectitudinem,
fervida in Deum, Virginem Deiparam, Divosq; Caeli Indigetes,
dilectio, pietas, & devotio,
fovendo augebat, & augendo fovebat.

Romulum & Aeneam nullum,

PRINCIPI huic comparaveris;

Excessit alterum religione, alterum superavit pietate.

Vana Nomina quid calame citas?

Rudolphos Austriae, Ludovicos Galliae, Jagellones,
& Casimiros Poloniae, pientissimos Principes nomina,
reddam æmulum pietatis eorum PRINCIPEM.

Doluit Trajanus non unum amisisse diem,

PRINCEPS quo non DEO laudes, piasq; preces dedisset,
amisit nullum.

Horas diei singulas, cum regularissima ordinatione
in negotia curasq; distribueret sæculi,
primas REGI SÆCULORUM dedit,

omnium momenta DEI gloriæ & honori.

Principum vita, populi lex & norma;

*Quocunq; se vertunt hi Soles, sequuntur eos sua heliotropia,
alius est amussis faciendi, quod Domini faciunt.*

Nemo facilius imperat, quam qui exemplò jubet.

Pietatis proinde exercitia,

dubites! an rigidiori severitate, an severiori rigore,
exigebat à suis PRINCEPS, in quæ incumbibat primus.

Unò prorsus aulae suæ exemplò,

rectumne illud? an sinistrum Poëtæ de aulis expunxit dictum.

Exeat ex aula, qui volet esse pius.

Palæstram quippe pietatis vidisses, si PRINCIPIS aulam.

Sceleri in ea nulli, nulli datus vitio locus.

Fæx populi, grex lascivus, & pecus omne petulcum,

ad Augiæ hinc bubilia proscriptum & caulam.

Adscitus nemo in famulitium, qui à probitate descisceret.

Prima animadversione & maxima,

recensitus nemo in VEXILLIFERI comitatum;

nisi quisquis Orthodoxæ religionis,

probatae virtutis, omnigenæq; honestatis stipendiarius.

Longe.

Longè deniq; major;
pientissimi animum PRINCIPIS de cultu Divino,
quàm comodo suo sollicitudo tenebat.

Indignum arbitratus,
postponi Deum homini,
officia pietatis per aulam absolvenda, suis præposuit obsequiis,
Deo prius reddi tributum voluit, quàm sibi servitium.
Implebant hinc continua PRINCIPIS Palatium choragia,
Sanctas DEO, Deiparæq; Virgini canentium laudes,
seu Phosphorus surgeret, seu occideret Hesperus.

Hinc
Sacra Missarum sacrificia, suo in dies in Oratorio lecta,
devotione singulari, & ea pietate audita,
cujus exempla PRINCEPS exhibebat millena.

Datus hinc ab omnibus,
cultus Deo profundissimus, veneratio Clero debita,
cùm PRINCEPS omnium primus,
tam coram Deo caderet, quàm coram Clero assurgeret.

Audisti pietatis exempla, audi pænè miracula.

In avito Calvariae hæredio,
vitam transegisse voluit PRINCEPS,
ut ad Sanctissima illa Dominicæ Passionis simulacra,
vivacissimi doloris & compassionis sensu,
mortuæ pro nobis continuus immoreretur vitæ.

Rara felicitate frustra tentata ab aliis,
cruentum SALVATORIS DOMINI theatrum,

è Palestine collibus
in montes hæredii sui ZEBRZYDOVIUS transtulit.

Rariori sanctissimæ voluptatis sensu,
habuit illud inter primas vitæ & cordis delicias,
PRINCEPS CZARTORYSCIUS.

Sanctis illis à montibus
in quibus constitit, ut Orbi melius pateret,

Opus nostræ salutis,
mente nunquam avulsus & animo,
nec statione quoq; avelli voluit.

E

Beatæ

Beatæ damnosa exilia sylvæ,
cum dolentiori semper animo ferret,
beatioris è vicinia nemoris,
reparata latior spectabat, & damna & exilia,
O quàm, beatus
vitæ **PRINCIPIS** in terra incolatus,
in cujus ditione & Author vitæ & Redemptor constitit.

Viam quoq; salutis,
quis hominum melius disposuerit?
quàm qui **SALVATORIS** vestigia,
tam proximè habuit, & continua
ut **PRINCEPS**
seu visitatione, seu meditatione revisit.

Nec verò
Divini hæc spectacula amoris
è regione intueri satis habuit.
Primum vitæ tumultum hortus aperuerat,
Suus ut reparatæ monumenta clauderet,
alteram intra ejus pomæria introduxit Calvariam.
Ite hinc ad sylvarum latibula aggreſte numinum genus,
innocentium oculorum scopuli,
Fauni, Dryades, & Napææ ludentes,
Lusus PRINCIPI nullus placuit,
nisi quem immensus; Divinus immensis ludit
cum doloribus amor.

Poma quoq; aurea servate vobis Hesperides.
Hortorum delicia, nisi reparatæ fructum salutis haberent,
nullis PRINCIPI in deliciis fuissent.

Non vana oculorum oblectamenta,
sed piissimi voluptatem cordis, in illis quæſivit.

Intra generalis ambitum loci,
omnibus patientis Domini scenis, sua proscenia,
singulis vestigiis suas stationes dedit,
singulis gressibus sua vestigia.

Quendam dicere poteras Labyrinthum, sed non Cretæ.
Continuus eo teneri, magis gaudebat, quàm Theseus suo.

Nec etiam
per sanctissimos illos patientis Salvatoris viarum anfractus,
assiduè

assiduè sua cum aula errare timuit,
cum & ipse ejusmodi error,
dux in via salutis & optissimus esset & certissimus.

Offendit aliquando ad molles Adonis rosas.

PIENTISSIMO PRINCIPI,

vepres & spinæ Regis dolorum cruentæ,
rosea compatiens animi corona,
maximaq; sancto fuerunt in mœrore voluptas.

Patientem Salvatorem.

omnibûs piissimæ compassionis, cùm coronaret affectibûs,
munifica demum pietate

Filium coronare in Matre voluit,
dum.

Splendidum dolorosæ Virginis Sacellum,
magnis Patris sui excitatum sumptibûs,
non minoribûs, splendidius faceret.

Pientissimos demum compatiens Redemptori suo animæ,
ut compleret dolores,

gementi in deserto turturi nidum Calvariæ extruxit,
dùm Capellam Magdalenæ.

Nostine Magdalenæ oculos!

illas Eschon piscinas,

fontes dolorum irriguos, & plenissimos lachrymarum rivos.

Ejusmodi amoris & amaroris fluminibus,
voluptate Princeps adhæsit tanta, quanta nunquā Tantalus auribus.
Accurrebat ad ea sæpe, difflebat in lachrymas semper.

Vides contiguam Sacello Ædem!

PRINCIPIS Eremitorium scito.

Nulla illi angustiora Penetralia, quàm in his angustis,
Nullum dilectius laqueare, quàm communes cum Magdalena ædiculæ.

Ad hoc pœnitentium speculum,

cum minimè pœnitenda ageret,

maximè hærebat PRINCEPS & componebat se totum.

Sanctissimos SALVATORIS pedes,

lavabat fletu cum lavante difflebat in lachrymas cum lachrymante.

Relictâ pluries aulâ, ad Magdalenæ concedebat recessus,
nunquam minùs solus, quàm cum sic solus.

E2 *Dum*

Dum hominum relinqueret consortia, cum toto Cælo inibat,
non aliquando loquacior, quàm inter dilectissimæ æremi silentia.

Mutuos qui misceret sermones, neminem habens,
cum Deo, Magdalena, & anima sua discurrerebat.
Linguam ab omni cum abloqueret ministerio, cordis, rotunc lachrymæ,
vocis habebant pondéra, & linguæ supplebant munus.

Cujuslibet temporis maximam rationem habens;
pro maximis illa computavit lucris,
quæ sanctæ solitudini interstitia dabat.

Et profectò

felicissima illa momenta,
quibus quò certius succederet æternitas,
totam oculis pingebant, totam PRINCIPIS statuebant animo
Scitote mortales!

etiam à momento æternitatem pendere,

Discite quoq; à PRINCIPLE,
recolligere per intervalla spiritum, ut ad æternitatem proficiat.

Ejusmodi profectus,

cum ipse vivum exemplum esset,
etiam regulas præscripsit & methodum. *

Incomparabili pietati pietissima succedat magnificentia.
Hanc solam felicitatem, humanâ PRINCEPS arbitratus majorem;
posse aliquid ex Deo, quod ipse acceptet rependatq;
nec alium fortunæ audientem censû, quàm in census Ecclesiarum
fortunam profundere;

avitas opes & collectum innocuè peculium,
quod semper honestè in suos, in Ecclesiarum & pauperum usus
profundebat piissimè.

Cælum sibi ut majori constaret pretio;
non sola illud sanctioris vitæ pietate lucrari & consequi voluit:
Juxta liberalitatē pietatis; dubitas quæ in Eo major fuerit
utraq; & PRINCIPI & in PRINCIPLE par.

Alterius vivas imagines, jam Tibi Calvaria exhibuit,
Alterius monumenta ad Sanctū Christi Sepulchrū Hierosolyma habet.
Longas non Regibus tantum, scito esse & CZARTORYSCIIIS manus.
Liberalitate harum, eum Princeps attingit Orbem,
quem præsentia attingere non poterat.

Lucer-

* PRINCEPS Author Libri cui titulus GŁOS wołającego ná puszczy.

Lucernam Ejus extinctam in morte ne dicito!
qui ad vitæ Tumulū & primas Solis cunas suā lampada posuit.*

Mortis quoq; vincula,
à quibus nemo mortalium liber, liberrimum subiisse crede!
qui ferreas Christianorum compedes aurō barbaris solvit.*

Divinæ Providentiæ
cum omnia, quæ in vita possedit tribueret, duplex tributum reddidit,
aliud in Polonia aliud in Silesia.*

Templa, Aras, Ecclesias,
vel à fundamentis erexit, vel ornavit, vel ditavit.
Przytkoviensem, Zebrzydoviensem, Calvariensem interroga!
alia Fundatorem, alia Benefactorem munificum dicet.

Divos Cæli & Gentis suæ Indigetes,
vividus religiosissimo profecutus cultu, gratiis excedendo è vivis.

Cantius & Simon Lipnicus,
profusam in se Principis liberalitatem fusiùs loquentur.*
Hircanæ obstinatorum pectorum ut emollirentur rupes,
aurum ad id non acetum profudit, ut meritò dubitaveris! *
pientiorne cum suæ consuleret, an cum alienæ saluti?

O viscera PRINCIPIS!

& gratiis & charitate in proximum plenissima.
Destitutas omni suffragiō animas, ut non unò juvaret,
certos ad id Zebrzydoviensi & Przytkoviensi Ecclesiæ inscripsit census.
Hospitem in ditione sua ut lautius foveret Christum,
pauperum in Zebrzydowice Hospitale pluribûs millibûs auxit

Huc tandem vos voco!
& oculorum & cordis munificentissimi Principis unicæ pupillæ!
Deterior quas fortuna puellas pupillas fecit.
liberalitas PRINCIPIS, nec pupillas nec orphanas passa.*

Si Insula adfuisset pro Mitra,
Quem suō Myrrha habuit, alterū hōc sæculō credidisses Nicolaū.
Sacro Eum Tyaræ vertice non assecutus PRINCEPS,
liberalitate excessit.

Turpem ne prolaberentur in quæstum,
tribus ille puellis aurō suō succurrit, hic pluribûs.

Alteram singulis vitam dedisse visus,
dum honestæ in vita elocationi providisset.

F **In**

*Argenteam lampadem insignem ad Sepulchrum Christi D. Hierosolymam misit.
* Legatum pro redimendis captivis * legatum ad Confraternitatem Providentiæ
* legatum pro Canonizationibus * pro obstinatis peccatoribus * legatum pro educandis & dotandis puellis.

In Rempubicam pariter ac Ecclesiam munificus;
qui alterutrius olim servirent usibus, ingenuos aliquot Adolescentes,
ingenuis ære suo educari voluit in artibus & moribus,
O aureas PRINCIPIS manus! tot hyacinthis plenas,
quot profuderunt beneficia.

*
Rdissimi
Łopaeki
Archipre.
sbyteri
Insulati
Cracovi
Executi

Hæc quoq̃
ut verè hyacinthina essent, ea in manus Hyacinthi consignavit.*
Claudite, si claudi potest, beneficentiæ PRINCIPIS seriem,
coram quibus sua nunquam voluit ostia claudi,
vos vos conferta agmina,
fodere nescientium mendicare erubescantium.

Dicite! obsecro dicite!
quoties & quanta comitate, dum verba pudor eriperet
animum vobis benignissimus firmaverit PRINCEPS,
magisq̃, à vobis requiri quàm rogari voluerit,
ceu debitum alienum redderet, non exhiberet beneficium.
Optimi ita prorsus Principes,
*Felicitatem hanc in summo computant, infelicitatem alienam,
fortunâ suâ effecisse felicem.*

D O L O R

Domûs Celsissimæ.

Tandem à Deorum Aris, sacrisq̃ penetralibus
ad Solis commigra Regiam publice dolor,
Stationem hic Tibi nullam concederem.
*nisi ipsum quoq̃ luminis fontem, umbrarû quandoq̃ caligo invaderet,
sudum Cæli nubes, àcria malatiam confunderent fulmina*
Ordinarius iste rerum in Orbe stylus
misceri tristia latis,
Plejades succedere Helcyoniis:
*& quo major præfulsit serenitas, eripiente splendorem caligine
tanto maiorem sequi post gaudia luctum.*
Justa inter PRINCIPIS VEXILLIFERI Parentalia,
maximo dictorum argumento es
Celsissima Ducum CZARTORYSCIORUM Domus,
publicorum ad præsens dolorum, meta, scopus, unaq̃ compendiû totû.
Exeunt è mari flumina, revertuntur in mare.

Flumi-

Flumina lachrymarum publiciq; doloris pelagus ingens,
postquam Poloniam, Lithvaniam & Ecclesiam inundavit,
totum ex quo prodiit in fontem, tota vastitate relabitur.

Solis Regiam Te dixi, ô DOMUS CELSISSIMA.

Ob desideratissimi jacturam PRINCIPIS,
eorum jam mihi Oceanus dolorum videris;
*quibûs, cum gemmas, unionesq; amittit, totum æstuat mare,
& fremunt omnia littora Ponti.*

Sistite! tantisper sistite! hispidæ mæstarum frontium nubes,
sistite gementium cordium æstus & procellæ!

CZARTORYSCIANÆ Domûs Oriens,
ipsas serenitates profundit, primû diluculû, Soles Serenissimos;
A PALÆMONE LITHVANORUM DUCE,
quotquot sua succedentes serie Lithuania Duces numerat,

DOMUS CZARTORYSCIA,
horum omnium FRONEPTIS, ABNEPTIS, & NEPTIS dicenda;
Tot cam Soles, quot Lithavi Rectores Solii genuerunt,
GEDIMINUM, sive ut alii malunt OLGERDUM,

primum Parentem habuit,
utroq; felix, utroq; trabeata;
Ducum Lithvaniæ primorum Filia, subsequentium Parens.
Soles Regnorum, in ea inquiris?
non tantum Regnorum, etiam Imperiorum habes.

Alios genuit, aliis suas Genitricis dedit.
VLADISLAUS, SIGISMUNDUS, AUGUSTUS,
tam certò illius Filii, quàm certò CZARTORYSCIORUM Fratres *

IMPERATORVM Orientis,
à Basilio Macedone usq; ad Constantinum,
IMPERATORVM Occidentis
à Friderico usq; ad Leopoldum,
per ANNAM VLODIMIRO DVCI Russiæ nuptam,
& per CYMBARCAN sive CÆCILIAM
ZEMOVITI DVCI MAZOVIAE Filiam:
REGUM POLONIAE

à CASIMIRO primo, usq; ad JOANNEM CASIMIRVM,
per MARIAM DOBROGNEVAM, CASIMIRI primi Consortem,
affinis, consanguinea, colligata,
tantis semper splendoribûs fuit, ut non majoribûs Solis Regia.

A SWIDRIGELO Magno Duce Lithvaniæ,

F 2

Ducatu

* Juxta Privilegium datum Budæ 1442.

Ducatu in KLEWAN dotata,
à VLADISLAO & SIGISMUNDO Poloniarum REGIBVS
penes Ducalia arma manutenta;

Purpurearum fons, Mystrarum alveus, honorum omnium
quoddam à sæculis receptaculum.

Post datos Poloniæ Reges, Lithvaniæ Magnos Duces,
ueriq; demum Senatores & Ministros continuo dedit.

Ducum, Principum, Heroum, Bellatorum fecunda Mater;
ad fœtalia VEXILLIFERI Castra, matrem agit dolorosam.

Abavum illi in IOANNE, Avum in Michæle Voshyniæ Palatino,
Patrem in Carolo Succamerario Cracoviensi;

in FLORIANO Archiepiscopo Gnesnensi, in MICHAËLE

Sandomirienſi Palatino, par Fratrum nobilissimum;

in THECLA OGINSKIO Exercituum Lithvaniæ Duci, & HELENA
MYSZKOVIO Sando: Castellano nupta, duas Sorores dederat,

Funera tot Ducum, olim acerbissimè tulit,

geminari ea in VEXILLIFERO non sine gemitu videt.

Redundat in vos pars doloris maxima,

CELISSIMI PATRUELES.

Præfuleo Tuo pectori Crux nova doloris incumbit,

Celissime THEODORE, Posnanienſis Præsul.

Qui animo omnem supra fortunam emines,

teneris masti cordis angustis AVGVSTE Rusiæ Palatine.

Tecum habeo, Cynthia quoq; SIENIAVIÆ Consortis palleo.

Gemitus non gemmas Annulo Tuo consignas.

Dux FRIDERICE! M. D. L. Procancellarie.

Spectas ad hæc doloris castra,

cum Bellatorum maximo PONIATOVIO; Palatina Masoviar;

Vos vos demum, quos pallens pagina non capit,

diffusæ orbe ferè toto, Ducales, Principes primæ Familiæ,

cum paginam non impletis Nominibus, complete mæroribus scenam.

Solis occasum nox horrida sequitur, Magnorum Virorum obitum,

PUBLICI DOLORES;

quemadmodum

PRINCIPIS


VEXILLIFERI

te,
M
o-
m
o
es
er
ne
a-
ut

10
c.

y-
ti-
e-

卷之四



P.P.

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

